



Henrik Fleischerimut
Inatsisartuni ilaasortaq, Partii Naleraq

Inuusuttunut 18-it inorlugit ukiulinnut suliffeqartitsinermit naalakkersueriaaseq pillugu § 37-mut tunngatillugu apeqqutit nr. 188/2017-imiittunut akissutit

08-08-2017
Sags nr. 2016 - 4199

Inatsisartut suleriaasianni § 37, imm. 1 naapertorlugu inuusuttut 18-it inorlugit ukiulinnut suliffeqartitsinermit naalakkersueriaaseq pillugu Naalakkersuisunut apeqqutit saqqummiussimavatit. Suliassaqarfigisannut apeqqutit akissuteqarfigineqarnissaat innersuussutaavoq.

Postboks 1601
3900 Nuuk
Tlf. (+299) 34 50 00
Fax (+299) 32 56 00
E-mail: isiin@nanoq.gl
www.nanoq.gl

Apeqqut 1: Suliffinni sorlarni 16-init 18-it tikillugit ukiullit suleqqusaanngilat aamma qassiuppat nunatsinni?

a) Inuusuttut 16-init 18-it tikillugit ukiullit qassiuppat?

Akissut a): 1. Januaari 2017 aallarnerfigalugu inuusuttut 16-init 18-inut ukiullit nuna tamakkerlugu katillugit 2.097-iupput, 18-illu inorlugit ukiullit 1.317-iullutik.¹

	16-inik ukiullit	17-inik ukiullit	18-inik ukiullit	Katillugit
2017	594	723	780	2.097

b) Suliffinni sorlarni suleqqusaanngillat 16-init 18-it tikillugit ukiullit aamma qassiuppat?

Akissut b): Inuusuttut Kalaallit Nunaanni sulinerat pillugu nalunaarummi kapitali 3, §§ 10-15-imi allassimavoq inuusuttut 18-it inorlugit ukiullit suliaqarfinni teknikkut atortunik piliorfinnillu ingerlatsivinnik suliaqarfiusuni atorfinni suleqqusaanngitsut, takuuk nalunaarummi ilanngussaq 1, imm. 1, 2, 5, 6 aamma 7.

Taamatuttaaq aamma atorfinni atortussiananik atortunillu sunnerneqarnissamut aarlerinaateqartunik kinguneqarsinnaasuni suleqqusaanngillat, takuuk nalunaarummi ilanngussaq 4, imm. 1 aamma 2, kiisalu siunissaq qaninnerusoq ungasinnerusorluunniit eqqarsaatigalugu atorfinni inuusuttut timikkut tarnikkullu peqqissusaannut ineriartornerannullu innarliisinnaasuni suleqqusaanngillat, takuuk nalunaarummi ilanngussaq 6, imm. 1, 2, 3, 4, 5, 7, 8, 12, 13 aamma 14.

¹ Kisitsisit Naatsorsueqqissaartarfiup Kisitsisaataasivianinngaanerput:

<http://bank.stat.gl/BEDST1>

Aammattaaq atorfinni aningaasanik assartuinerni peqataanernik imaqartuni aammalu aatsitassarsiorfinni atorfinni kiisalu atorfinni isumannaallisaanikkut peqqissutsimullu navianartorsiortinneqarnissamut aarlerinaateqartuni suleqqusaanngillat, takuuk nalunaarusiami ilanngussaq 6.

Inuusuttunut 16-init 18-inut ukiullit atorfiit qanoq amerlatigisut suliffiqequsaannginnerisut pillugit Naalackersuisut kisitsisitigut paasissutissaateqanngillat.

Apeqqu 2: 18-it inorlugit ukiullit suliffiit ilaannut suleqqusaannginnerat kikkut aaliangersagaat aamma suna tunngaviua?

Akissut: Kalaallit Nunaanni Sullivinnik Nakkutilliisoqarfik tassaavoq sullivinni avatangiisinut tunngasuni oqartussaasoq sullivinnilu avatangiisit pillugit inatsit, atorfeqarfiup nammineq allaffissornikkut aqutsinermi ingerlatani malillugu ingerlasoq. Taamatuttaaq pineqartut tassaapput ukioqatigiit piginnaasaqalersitsisussanik ilinniagaqalernissamut aqutissiorsimasussatut naatsorsuutigineqartut, siunissami suliffeqarnikkut inissisimanerannut qulakkeerinnittussanik.

Apeqqu 3: 16-inik ukiulinnik fabrikkini, kilisaatini, usingiaasuni, il.il. sulilersinniarutsigit aporfiit suut iluarsissappat?

Akissut: Kalaallit Nunaanni Sullivinni Nakkutilliisoqarfiup 16-inik ukiulinnik atorfinitsitseqqusinnginnera aalajangersimasumik aporfinnik tunngaveqanngilaq, isumannaallisaanikkulli aammalu ineriartornikkut inuusuttut ineriartornerannut illersuineramik aammalu meeqqanik sulisitsisoqarnissaanut pitsaaliuinermik patsiseqarpoq.

Apeqqu 4: 16-inik ukiulinnik fabrikkini, kilisaatini, usingiaasuni, il.il. sulilersissinnaagutsigit sulisussaaleqinermut aammalu suliffissaaleqinermut qanoq sunniuteqassava?

Akissut: Inuusuttut 18-it inorlugit ukiullit suliffissaaleqisunut nalunaarsuutini ilanngullugit kisinneqartanngillat taamaattumillu suliffissarsiorlutut nalunaarsorsimasut kisinneqarnerinut sunniuteqarsinnaanatik.

Apeqqu 5: Nunatsinnut, kommuninut, suliffeqarfinnut, inunnullu ataasiakkaanut aningaasatigut qanoq sunniuteqassava?

Akissut: Suliaq pineqartoq pillugu Naalackersuisut aningaasaqarnikkut kingunerisinnaasaanut piviusorsiorlutumik nalilersuinissaminut periarfissaqanngillat.

Ataatsimut isigalugu oqartoqarsinnaavoq suliffeqarfiit misinnartumik sunnerneqarnaviangitsut. Massakkumut ilinniagaqarsimangitsut amerlareerput, amerleriaqqiinnassallutillu.

Inuiaqatigiinnut qiviassangaanni inuusuttunik sulinngiffeqarnermi allatulluunniit atorfinitsitsisarnerit amerlineqarneri kinguneqarnaviangilaq. 16-iniilli 18-inut ukiulinnik ataavartumik atorfinitsitsisarnerit amerlineqarneri ajutoorutassaaq. Siunissami piginnaasanik ineriartortitsinermut ilinniagaqarsimassutsillu qaffasissusaanut apparsaataassalluni. Tassaalluni ineriartorneq aningaasaqarnikkut namminiilivinnissanut ajornakusoornerulersitsisussaq aammalu pineqartut inuunermi isertitakinnerulernissaannik kinguneqartussaq.

Apeqput 6.-imut akissut malillugu piginnaasakilliartuaarnerup annertunerulernera pisortat aningaasaqarnerannut tamaviaartitsissaaq aammalu pineqartut atugarissaarnerannut annikillisaataassalluni.

Apeqput 6: 16-inik ukiulinnut appaasinnaagaanni suliffigeqqusaanngitsunit, qanoq inunnik isumaginnittoqarfimmu, kommuninullu aningaasatigut sunniuteqassava?

Akissut: Apeqput 5.-imut akissut malillugu atorfinni Inuusuttut Kalaallit Nunaanni sulinerat pillugu nalunaarusiami suliffigeqqusaanngitsuni minnerpaamik ukiorititit annikillineqarnerat sulisinnaasut sukkanerusumik piginnaasakilliartuaarnerannik taamatullu siunissaq ungasinnerusoq eqqarsaatigalugu inuiaqatigiit aningaasaqarnerannut aningaasartuutunik annertuunik kinguneqassangatinneqarpoq.

Taamatuttaaq aningaasaqarnikkut kinguneris akileraarutini isertitani allannguineri kommuninut sunnerneqassallutik. Atorfinitsitsisarnermut minnerpaamik ukiorititaq appartinneqarpat inuusuttunillu amerlanerusunik atorfinitsitsisoqarluni naatsorsuutigineqassaaq akileraarutini iluanaarutini arlalippassuutigut sunniuteqassasoq.

Inuusuttut amerlanerusut suliffeqalerpata isertitat tunngavigineqartut qaffasinnerulissapput taamatullu akileraarutit isertitat pineqartunut qaffasinnerulissallutik. Ilinniagaqarsimangitsutut akissarsiallit inuusuttunit taarserneqarpata, ilinniagaqarsimangitsutut akissarsiallit isertitaminni tunngavigisartik annaassavaat, tamannalu akileraarutini isertitanik annaasaqarnermik kinguneqassaaq. Taamatullu ilinniagaqarsimangitsutut akissarsiallit utoqqaanerusut akissarsiaminni isertitaat inuusuttunit ilinniagaqarsimangitsutut sulisut akissarsiani isertitaannit annertuneruppata, akileraarutini iluanaarutini annaasaqarnermik kinguneqassalluni.

Ilinniagaqarsimangitsut utoqqaanerusut inuusuttunit ilinniagaqarsimangitsunit taarserneqarpata, inuusuttullu annikinnerusunik akissarsiaqartinneqarlutik, suliffeqarfinni/ingerlatseqatigiiffinni inuusuttunik sulisoqartuni atorfinitsitsinermut minnerpaamik ukiorititap appartinneqarnerata kingunerisaanik tamakkiisumik akissarsianut aningaasartuutaat annikinnerulissapput. Suliffeqarfiup/ingerlatseqatigiiffiup akileraarnermut tunngavigisaasa qaffannerinik

kinguneqarsinnaalluni. Piviusumilli taamaattoqassappat
suliffeqarfimmi/ingerlatseqatigiiffimmi atugarisat allat eqqugaassallutik. Atugarisat
arlallit eqqugaasinnaanerisa siulittuutigineqarnissaanut pisut ataasiakkaat
tunngavigalugit taamaallaat nalilerneqarsinnaavoq.

Tamannalu tunngavigalugu ataatsimut naggaserneqarsinnaavoq akileraarutinut isertitat
qaffannissaat naatsorsuutigineqassanngitsoq, paarlattuanilli appariassasut.

Inussiarnersumik Inuulluaqqusillunga,

Hans Enoksen